



Mandi, mandi, mandi e benvignûts!

Induvinait? Cheste e je la gnove Contecurte!

O soi simpri jo, che us stoi cjacarent, l'**Ostîr Raffaele**, e cirarai di stâ une vore pôc a dîus ce che a mostrâus la gnove Ostarie.

Tant par scomençâ **e je cambiade la direzion dal blog**, la gnove direzion e je **contecurtegnove.blogspot.it**

Ma no stêt vê pôre: dut ce che al jere su la osterie viere al è stât puartât in cheste. Anzit, o ai recuperât ancje cualchi post vieri dal camarîr che prime nol jere...

Disarès che o cumò si podin disementeâ dal blog di prin, che ca di un pôc al vignarâ scancelât.

O ai sielt di meti la gnove Contecurte parsore dal gno profil gmail par che no rivavi adore a inzornale, e si come intal ultin an la ggestion le ai fate di bessôl mi pareve just, tornant a vierzi la Ostarie, cirî di stâi un pôc plui daûr, inzornale e comentâ plui di spes e lei la pueste eletroniche ogni dì, come che o fâs par chei altris blogs.

A par chest, nol je cambiât nuie: **la Ostarie e reste ce che si dîs inte pagine des indicazioni di fonde**. E je diventade, forsit, un pôc plui personâl, parcè che almancul, mi soi dit, o dopri il timp par tignile inpins par sparniçâ lis mêis contis e i miei altris progjets, pur lant indevant a considerâ Contecurte come **un blog coletîf, fat di colaborazions**. O podês cjatâ dut inte **pagjine dal Ostîr**.

Par ce che al vanze, la **pagjine dai Contecurtârs** e je simpri la prime e i vins che o tignin daûr dal bancon a son simpri lis **Contis Curtis**.

O podês tornâ a mandâlis cuant che o vês voie, anzit... mi pararès une bieles maniere di fâmi capî che la gnove vierzidure e je preseade. E come che o viodês chi sot, o ai za començât cu lis **contis gnovis**:

no dome dôs dal Ostîr e chês fates cui fruts di Buri chest àn e di Faedis l'an passât, ma ancje un contecurtâr che al je il plui preseât, in Regjon, dai ultins agns, jessint che al à vint i ultins doi Sant Simons: **Franco Marchetta**... e lu ringraci daûrman par il sostegn dât a cheste gnove vierzidure!

Cun di plui, come che o vês za viodût, mi soi fat judâ di une programatrice professioniste, **Michela Zangarelli di Code Monkey**, e di un grafic, Gian De Steja, a meti adun la gnove mobilie, e no pues dîs che graciis ancje a lôr, che a àn lavorât di rive jù, par plasê di amicizie.

A mi, il blog, mi plâs une vore, o sperî ancje a voaltris.

O ai metude adun la **pagjine dai stuzighets**, dulà che o podês cjatâ sedi chei vieris,

come Ecumène e lis contis misteriosis, e dulà che a son bielzâ gnovis ideis par altris rubrichis e une e je bielzà pronte: **Cemût si zuial?** Un viaç tai zûcs di une volte, ma cui fruts di cumò,

un viaç che o ai decidût di fâ sfrutant il regâl di Marcello Marangone

e des sôs fotografiis: sperî che a puedin jessi magari di ispirazion a cualchi contecurtâr,

e in ogni câs jo la cjati une rubriche une vore bieles.

Podopo, e par sierâ, us dîs che o ai lassât la **pagjine dai events e leturis**,

vûstu parcè che 'nt vin fatis tantis, i agns indaûr, vustu parcè che magari 'nt fasarìn altris.

Anzit... Contecurte, za doman, e je tra i "sponsor" che a àn metût inpins l'incuintri di doman, sabiti ai 8 di Jugn, aes 17.30 a Glemone, inte cornîs di **Elementi Sotterranei**, dulà

che al sarà ancje **un laboratori che o tignarai su la narative curte**, cun leturis di contis par talian, inglês... e ancje par furlan!

Par sierà, la **pagjine dai imprescj**, tornade a insiorâ e meti a puest, cun zontis e mioraments, che e larà indenant ancje cu lis rubrichis dal Cemût si disial.

Benon, mi pâr dut! Voaltris? Ce us parial?

Doprait pur chest post di coments par ducj i conseis e lis indicazioni che us vegnin tal cjâf e che o volês dîmi. Se o sês di chei che a no comentin, podês dînus di vê let alcu fracant sul boton sot di ogni post. O sai bielzâ che a son ancjemò des falopis informatichis (imagjinis che no si viodin, titoi di comedâ, cualchi leam che al è “rot”...) Ben po, se o vês voie di mandâmi una mail (la direzion di pueste e je simpri chê, la metarai in prime pagjine ca di un pôc) e dîmi dut ce che al è di comedâ, o soi content. Planc a planc a si metarin a puest, ma intant voaltris sparnîçait cheste vierzidure ator par dut e...

BENVIGNÛTS
INTE CONTECURTE GNOVE!!!